



kat.komp.

220169




Mag. St. Dr.

P

Test. 5444.

Łąstowski Remigii: Homagium Augustissimae
ac Invictissimae Coeli et Terrae Impera-
trici Polonicae Reginae Clementissimae
in Claro Monte Opatkowensi miraculis
clarissimas



HOMAGIUM AUGUSTISSIMÆ

AC

INVICTISSIMÆ CÆLI & TERRÆ
IMPERATRICI
POLONIARUM REGINÆ CLEMENTISSIMÆ

In Claro-Monte Czesłochoviensi Miraculis
Clarissimæ.



A

SANCTISSIMO DOMINO NO-
STRO, DOMINO

CLEMENTE XI.
PONTIFICE MAXIMO
RECENS CORONATÆ

A

Fratribus Ord: S. PAULI Primi Eremitæ Ejus-
dem Clari-Montis Czesłochoviensis.

JPSO INAUGURATIONIS SOLENNI DIE
Nomine Univerforum Ordinum Regni & M. D. Lit:
humiliter Præstitum.

Oratore Patre Fratre REMIGIO SCISŁOWSKI,
Ejusdem Instituti Theologiæ Moralis Professore.

Anno Regnantis in Carne DEI 1717. Die 8. Septembris.

Typis Clari-Montis Czesłochoviensis.

IN GENTILITIUM STEMMA,
EXCELLENTISSIMI CORONATORIS.



220169

Ad Clarum celeres Montem properate Capellæ
Innocuis Virgo, pascua Sacra dabit.
Aris & Patriæ RO SEAS cito ferte Coronas
Queis Vestra æthereus tempora cinget Honos.

AD EXCELLENTISSIMUM
Illustrissimum & Reverendissimum Dominum,
D. CHRISTOPHORUM

COMITEM de SŁVPOW

S Z E M B E K

EPISCOPUM CHELMENSEM,
GENERALEM PRÆPOSITVM MIECHOVIENSEM
CORONATOREM DIGNISSIMVM.

Prophasis Dedicatoria.



*N*ovum hodie Orbi Lechico triumphantis
Gloriæ pandisti exordium Præsul Excellentissime, dum
Claro Montanæ Thaumaturge Matris Aræ, primas ex-
tra Alpium terminos, è Vaticano Sacrario, Coronas in-
tulisti. Cælestis Reipubl. Primatiali Dignitate functus
es, dum Cælorum Imperatricem Augustam, Regali in-
augurasti Diademate. Abest quod invideas Primis Regnorum Principibus,
terrenas inaugurantibus Maiestates, præsens etenim gloriosior auspicatissi-
mo Nomini Tuo obigit Provincia. Parcite Magni Regum Coronato-
res; quo sublimior Coronatæ Maiestatis Eminentia, eo Maior est Coro-
nantis Excellentia. Et quis est qui embigat, Immaculatissimam Dei Pa-
rentem non sublunaris tantummodo Machine vastitati, at immensis su-
pernorum Orbium, ipsiusq. Empyreï dominari Regnis; hinc tam Præcelsæ
Maiestatis gloriosissima Inauguratio, Tuae Coronator Excellentissime, men-
sura est Dignitatis. Primi, Angelici Exercitus Antesignani Ministerio,
Encenia hæc peragi debuissent, nisi Te parem tanto muneri superi reperis-
sent. Supra mortalium sortes, in Cælesti Consistorio Excellentie Tuae
Antistes Illustrissime cum Nomine decreti Honores. CHRISTOPHO-
RVS es, CHRISTVM in anime cordisq. medullis gestans, quid mi-
rum, si CHRISTOPHORÆ Matris egisti Coronatorem. Corelatio
non mutuata, at mutua, qua nulla proximior, nulla sanctior, inter CHRI-
STM & MARIAM. In Cælorum Reginam, Sanctissimam Geni-
tricem suam Coronavit CHRISTVS, iure merito in Reginam Polonia-
rum Coronavit CHRISTOPHORVS. Notate eternitatis Codices Co-
gnatorum Nominum rerumq. mysteria. Et sane decuit Sacratissimum Au-
gustæ Nostræ verticem, præter Regale Diadema, Tuis quoq. Gentilitijs
PRÆSVL Illustrissime ROSIS Coronari. Mystica Sanctissime Tri-
adis Ro-

dis Rosa est Parthenia Genitrix, fas erat, mysteriosa Tuarum Triade
Rosarum, Auspicatissimam Eius Inaugurationem cumulari. Spinis im-
plexæ sunt, quas Cyprium olim Cythereæ vulgus dicebat Deæ, nec nisi à
cruentatæ vulnere plantæ, purpureum traxere colorem; at Tue Antistes
Reverendissime, aculeos non norunt Centifolia, purpuratam Venustatem
& Maiestatem, non aliunde, quàm à Domestico Magnorum Heroum
Sanguine & Ducali vendicant Murice. Non molles profecto Campaniæ
horti, biferiq; rosaria Pæsti Tuas genuere Rosas; ab Elysii Regnis sub
primam auroram duxisse originem, cognate superis virtutum demonstrant
proprietas. Exiguo florent intervallo quas tellus profert, ut primum a-
dultæ plenitudinis amœnam explicant faciem, illico ad casum vergunt, or-
bateq; comis triste sunt hortorum cadaver breves vernantis auræ delicie.
Tuis Coronator Excellentissime Rosis Divinus vigor inest; immortales
sunt, à virtute namq; mori nescia sicuti prima Ortus sui auspicantur in-
cunabula, ita pariter, vitæ, decoris & fragrantie desumunt perennitatem.
tot iam elapsa coronarunt secula, Imperijs regnisq; cæcæ, immortalis
ubiq; gloriæ Orbem implevere, in posthumas mundi etates duraturæ. San-
ctæ sunt, Sacris digne Aris Claro-Montano proinde, ad triumphalia ho-
die ferta competunt Sanctuario. Ornatissimos avitæ stirpis Rosæq; Do-
mus Tue Coronator meritissime Progenitores, quos Heroa Virtus For-
tuna Comite ad primas semper Togatæ Patriæ Curules, primosq; armatæ
Palladis promovit Fasces, digni enumerent Encomiastæ, ac in recensendis
etiannum præclarissimis decoribus desudent ingenia annalium implendo to-
mos: Sanctissimæ vero Reginali Maiestati à Te hodie Coronatæ, præ re-
liquis Inclytæ Prosapie Tue Prærogativis Sanctitatis Domestica Virtus,
Maximo est pretio, celitum mille præconijs digna æstimari. Magnum
quidem, inter purpuratas cunas claro de sanguine nasci, gloriosum est illu-
stres Avorum Ceras, sexcentos Fabios, & Decios, & stantes in Carri-
bus Emilianos, ipsosq; Ioves affinitate propinquos, velut in Pantheone,
prima Orbis Nomina & Numina supputare, at multo maius est veræ San-
ctitatis Gloriâ eminere; Claritas illa, nequaquam ex populari eximit mor-
talium sorte, at vitæ Sanctitas, in eternitatis Patria, Celi efficit purpu-
ratos. Terrenæ dignitates, temporale, & exiguum virtutum præmium sunt,
ipsum licet splendore suo attingant solis meridiem, Hesperum tamen evi-
tare nequeunt; è contra, Sanctitatem vitæ altioris longe Ordinis merces,
cum immortalis gloria, Divini consors splendoris hereditas, æternum co-
mitatur. Ecquis non noverit Inclytam Domum Tuam Antistes Excellen-
tissime, Domum & progeniem Sanctorum esse. Si pientissimos Maiorum
Tuorum Manes, quibus Beata iam obtigit retributio, è tumbis provoca-
tos spectare non libet, in vobismet ipsis Comites Illustrissimi, hereditarie
Sanctitatis, sat ampla elucet successio. Primus è nunc viventibus prodixit
in Obt.

in Oblitum Sacratissime Reginalis Maieſtatis Celſiſſimus & Reveren-
diſſimus Princeps STANISLAVS Comes in Słupow SZEMBEK,
Archiepiſcopus Gneznenſis, Legatus Natus Regni Poloniarum, & M.
D. Lit. PRIMAS Digniſſimus, Nomine & vita alter Diviniſſimus
STANISLAVS, Virtutum & Sanctitatis Metropolis, Principum Dec-
cus, Præſulum Gemma, Senatûs Columen, Protector Noſter Clementiſ-
ſimus, Cuius in tuendis Eccleſiaſticae indemnitate iuribus ferventiſſimum
zelum, in manu tenenda Patriæ libertatis pupilla, invictum robur, in ſal-
vanda Reipublicæ integritate indefeſſos labores ac ſtudia, tot fatales tem-
porum Criſes, velut ad Lydium lapidem ſat probata reddidere. Decu-
manis intricatam caſibus, tot bellorum quaſſatam malis reſtituit Rempu-
blicam, non cunctando, at provida gubernatione ſuaviter fortiterq; diſpo-
nens univerſa, vitam qua nil carius, & opes in publicæ ſalutis pretium ero-
gando, non deſtitit Magni olim Aaronis exemplo, cor, ora, manuſq;
levare in excelsum, donec placato Numine, ſevi turbines ſedarentur. pro-
ſperiores quippe ſuppetiæ à ſuffragijs Iuſtorum, quam à mille phalangibus
baſtatorum. Illuſtriſſimi & Reverendiſſimi Domini MICHAELIS
SZEMBEK, Episcopii Paphenſis, Suffraganei Cracoviensis, gloriſſima
merita ſolertiſſimam animarum curam, pietatem, Clementiam & velut in
unum congeſta Apoſtolica munera, Purpurata enarret Cathedra, Grata Po-
loniarum Veneretur Metropolis, quam Gentilitijs Roſis Suis, & ſecun-
diſſimis Virtutum floribus adornavit, ac novam reddidit Florentiam; ve-
ræ Sanctitatis exemplar, Honorum opumq; Contemptor, Cælo ditiffimus,
alter Cæleſtinus. Succedit in Ordine Magnorum Heroum, Excellentiſſimus
& Illuſtriſſimus Dominus IOANNES SZEMBEK, Supremus Regni
Cancellarius, Patriarum legum Cuſtos vigilantiffimus, Status Miniſter,
ſapientiâ & conſilio, aſtrorum motricibus par intelligentijs, Decus Senatûs,
Orbis Lechici Atlas fortiſſimus, Regibus Regniſq; gratiſſimus, quia IO-
ANNES nunquam ſine gratia; at cælis gratior, quibus vel hoc ipſum Oble-
ſtationi ſummæ eſt, Aulam incolere, nec tamen Aula vitia noſſe; ardua pu-
blicorum negotiorum farragine in momenta diſtrahi, à Divinis tamen Offi-
cijſ minime deſiſtere; rariorem Phœnice Sanctitatem ſecula mirentur; ma-
gnum etenim prodigium eſt, Magni Honoris cum vera pietate Connubium.
Dum ad Excellentiâ Veſtram Coronator Illuſtriſſime, redeundum eſt,
etſi cunctorum ora pennæq; tacerent, Magnalia Præſulearum Virtutum
Tuarum ſat grandis pondera vocis habent; rectefactorum enim gloria per
ſe vocalis eſt, aliene minime indiga laudis, exile reputans honoris ſuffra-
gium ex fama populari. Diviniſſimos Borromeum, & Saleſium, quos corde
foves, factis imitaris; Paſtoralis zeli Tui, Provide ſuper comiſſo Grege
vigilantia, ſedule Eccleſiarum ſolicitudinis, tum Cathedra Chelmenſis,
tum Sacerrima Synodus Dieceſana, & univerſæ teſtes ſunt Poloniarum

Provincie. Consummatissimam Sapientiam Tuam primæ in Europa præ-
barunt Vniuersitates, mirabatur Sorbona, Cui si hæcenus adfuisse no-
velle semina luctæ in herba oppressisses. Vive Præsulum dignissime, Ec-
clesiæ Column, Senatum Romæ aucturus Purpuratum. Tantorum Pro-
cerum & Magnorum Nomina Fratrum, Coronat Illustrissimus Dominus
ALEXANDER SZEMBEK *Supremus Regni Dapifer, Biecenſis ac Ra-*
domſcenſis Capitaneus, Naturæ & fortune donis nemini poſtremus. In
floræ ætatis Maturitate virtutum, Magnitudine animi, Consummatâ ſa-
pientia, primis in Republ. aptandus ſaſcibus, Inclytæ Domus Lubar, Po-
lorum & populorum delictum, piæ liberalitatis & Munificentie Idea, vi-
te integritate, ſuaui morum innocentia, formâ decoris & modeſtiâ, Ange-
lus nuncupandus, Reginali Sacratiffimæ Imperatricis Menſe inter Celi-
tum Minifteria dignus afferre Dapes. Triumphet perenniter in Regum
Ciuiumq; amoribus, Macedone fortunatior Heros. Excellentiffimus Illu-
ſtriſſimus & Reverendiſſimus Dominus CHRISTOPHORVS SZEM-
BEK, *Antistes Poſnaniensis ſupra Hiſpaniarum Grandes Conſilio & ſapi-*
entie Oraculis grandis in Rep: Senator, Orthodoxæ Religionis acerrimus
Propugnator & Deſenſor, contra vitiorum monſtra ac infidelium turmas
novus Phinees, præſentis vires laudeſq; pagellæ ſuperat, Cuius Laudatiſſi-
mas Virtutes Roma probavit, Vienna declaravit, grata Patria meritiſſimis
Honoribus cumulare, Oratores panegiricorum voluminibus enarrare non
deſiſtent. Illuſtriſſimi Domini Caſtellani Viſlicenſis Magni in Rep: utraq;
Pallade Civis, Illuſtriſſimi & Reverendiſſimi Canonici Cracovien: ſucce-
ſcentis ad Tiaras Prælati, Illuſtriſſimorum Dominorum Tribuni Oſwiecim:
Burgravij Cracovien: Capitanei Lelowienſis, Pincernæ Lublinenſis, Capi-
tanei Novogroden: Venatoris Leczycenſis, Enſiferi Smolenſcenſis, tum
deniq; Ampliſſimæ Stirpis Roſæ Sacra Velamina & Aſceteria exornantis
digniſſima Nomina ſi ſecundior recensuiſſet penna; aut ſi Colligatarum Pro-
ſapiarū Celiſſimæ Domus Gloriam, vel pauxillū attiguiſſet, exiguam propa-
ſis atomum in tomū giganteſcere neceſſum foret; ſufficiat hic & nunc præſun-
da veneratione complecti ſimul & profiteri, Vniuerſam Inclyti Szembeki-
ani Nominis Geneſim. Sanctorum eſſe Roſarium ex eoq; ſexcenta pro glo-
riofa hodie Inauguratione afferri ſerta, quibus Gentilitie Tue Coronator
Excellentiſſime adornatæ Capellæ, Regiam Partheniæ Matris Capellâ, tri-
umphali venuſtant apparatu. Quapropter ſicuti Homagium præſens Augu-
ſtiſſimæ Reginæ Noſtræ, Te Coronatore, Te Primario Duce & fortunatiſ-
ſimo præſtamus Auſpice, ita pariter exiles honoris & Obſequij tabulas, ad
Aram Tui Nominis Præſul Excellentiffime ſupplici dicamus cultu.

Excellentiffimæ, Illuſtriſſimæ & Reverendiſſimæ Domina-
 tionis Veſtræ, Domini & Patroni Colendiſſimi

Devotiſſimus & ſubiectiſſimus Conventus Clari Montis Częſtochoviensis.



ORATIO.



Nte sæcula Electam, Augustissimam Cælorum Imperatricem, semper triumphantem, novo in terris, Regij honoris triumpho inauguratam, spectatis hodie, Auditores Ornatissimi. Reboant more tonantis Olympi, bellicorum grandisona tormentorum ora, respondetque applausibus per circuitum, vocalis in nemoribus echo; resplendent æmuli siderum, festivi in turribus ignes; elaboratæ ingenio, micantes per aëra flammæ, cælis stuporem ingerunt, terris quoque sua non deesse phænomena, ac prodigiosas meteororum nasci species! cingunt undequaque sacratas Ædes, mille pensiles lychni & lumina mille, quæ fulgore suo, Cimmerias etiam illustant umbras, ut totum MARIANVM Augustal, stellatum recte crediderim cælum intueri. Conchyliatis ubivis peristromatis ostroque nitentes, tripudiant parietes! Novo-Dædaleis ornatae & oneratae machinis tument aræ! Univerſa Castalidum Domus Helicone relicto, satis agmine densò, alternos metata choros, lætis tubarum tibiærumque clangoribus, nubes replet, nec solas hominum sùavi modulamine, mentes excitat, verum duras etiam cautes, vitali permovet sensu, ut ipsa mania, amæno vultu, veriùs quàm ad Orphei testudinem, gaudia gestire videantur. Vicini colles & saxa levantur in altum attonita, Claro-Montanam rupem, totam erumpere in voces & vices exultantium! Conterminæ mirantur Provinciæ, rediviva ne, Roma vetus, in Monte-Claro, vel verò, Mons Clarus in Romano triumphet Capitolio! Et quorsum amabo, tanta epinicia & gloriæ apparatus? nisi ut festæ faustæque Coronationis Augustæ Poloniarum Reginae, dicendo sacra dici, pompam indicent

dicent triumphalem. Pridem quippe orbis Lechicus, Partheniam Matrem, Reginam ac Dominam, ore publico nominavit, nec non pacta conventa, ipsammet Augustissimam inter, perpetuæ Protectionis Ejus, & Ordines Regni, perennis subjectionis, æviterni cultus, & subditalis obsequij, stabili per sæcula firmavit Diplomate, hodie tandem optato successu, ut Coronatæ jam Reginali Majestati, jurejurando, intaminate fidelitatis, solenne præstat homagium. Expectare libuit, tot jam elapsis sæculis, ut Regina Clementiæ, non nisi à Clemente Regalem sumeret Cydarum, atque illibata Summi ac Æterni Mater Pontificis, non nisi à summo in terris Pontifice, Regiæ unctionis acciperet honorem. Stellati Montes Clementini Nominis & Ominis insignia, cælo augure prævidebantur, à quibus stella summæ magnitudinis, cæterorum Regina siderum, in Claro-Monte, eminentiori claritate refulgens, Sarmatici Poli inauguraretur Coronâ. Dudum hisce præconceptis populorum imo Divorum votis, en jam hodie Clementina respondit pietas, dum Augustissimæ Poloniarum Electæ, novo, extra Italiæ terminos exemplo, in Claro-Montana Gloriæ Metropoli coronandæ, Regium submisit Diadema. Huc terrenæ Majestates, domitrices & Dominatrices Provinciarum, submissa reponite sceptrâ, huc universi Nationum Principes, coronata capita, cunctique sub sole Regnantes, ad Altissimum MARIÆ, Dominiæ universi Thronum, cor afferte animumque primum, & summæ Reginæ gloriæ, Lechico in Regno hodie Coronatæ, tributarij honoris supplex date homagium. Sacro Apocaliptici seniores, huic Reginæ Regum, quam totum Empyrenum adorat Imperium, procidui vestras comportate coronas. Regnet MARIA, Domina universi, mille semper digna coronis; triumphet hodie tota Lechia in Monte Clato, triumphet Mons Clarus in MARIA. Huc Rhodij colossi, obelisci, Memphitiæ pyramides, superba olim Phariorum monumenta Regum, obliterated tyrannorum memoriâ, ante sacrarium Reginæ Clementiæ prostrata, vectigalem date gloriam. Montes excelsi terræ, Alpæ, Acroceræunij, Pyrænei, Caucasi, Libani, Atlantes, & quotquot in latepatientis sinu, præalta numerat cacumina tellus, huc tumida, nubibusque minantia colla, Colli submitte MARIANO. Regalis, ac sacer ab inhabitante olim Arcâ fæderis, Mons Sion, Monti Claro, in quo vivens Thaumaturga veri Numinis Arca, perpetui incolatus sui posuit tabernaculum, primum inclinet verticem. Mons Sinai, Mosaicæ olim, dictator legis, MARIA-

NVM

NVM hodie Montem Gratiae, supplex adoret; illic etenim plena pavoris tonitrua, fumans caligo, coruscantia fulmina, terrentes nebulae, mortem Israeliticis castris minabantur, in hoc Monte clementiae, flumina vitae, torrentes veniae & indulgentiarum, copioso promanant sinu, ac serena populis gratiarum affulget merities. Montes itidem sancti, Thabor, Oliveti, caeterique, sacro famosi codice, sacratori Monti-Claro, in quo tot saeculis orbi universo, innumeris & quotidianis prodigijs, Divinae resplendent virtutes, laudis date trophaeum, ac submissa veneratione, ite hodie in scabellum. Verum, quid vilis Orator, humi, cum domiporta testudine reptas, quid per exiles exiliens terrae suggestus, haud proportionatam triumphanti Dominæ gestis gloriam! si magnos magna decent, certe Præpotentissimæ Majestati, magnæ Poloniarum Reginae, longe majora debentur; ad sublimiora erige animum, cælum ipsum in Triumphum voca, Imperatrici suæ, in Sarmatico cælo hodie coronatæ, prompta obsecundabunt Astra, superi dabunt voces, & sonoros deproment æthera plausus; signatas æternæ fædere pacis nubium irides, in arcus pone triumphales; pro Regali Paludamento, solem vultu sereno fulgentem præpara; pro scabello Throni Augustissimi, sphaeram adhibe lunarem; pro Regali tentorio ipsum adapta firmamentum; tum demum Clementinam stellis ornatam, pretiosissimo insuper illo abscisso de Monte sine manibus, profanas Tyrannorum statuas comiminuente lapillo, summè decoratam, assume coronam, ac Sacratissimæ Augustæ nostræ Regium cinge caput. Sic Regijs ornata monilibus, procede prospere ad Sacrarium Regni Tui, ac præparatum in vertice montium scande Thronum, Regnatrice Poloniarum Clementissima. Currum triumphi Tui, non truces Marci Antonij leones, non feroces Heliogabali tygrydes, non jugales Aureliani cervi, non prægrandes Metellorum ac Iuliorum elephanti, quibus olim suo fastu gravis victorum fortuna, ad orbis & Urbis vehebatur capitolium, nec igneæ Phaëtonis trahent quadrigæ, at nubem luce candidissimam, pones ascensum Tuum Imperatrix gloriosissima, & sic cum splendidissimo apparatu, mille Angelorum in coronam stipata agminibus, innumero cælestis militiae comitata exercitu, Claro Montanam inaugurationis Tuæ ascende Metropolim, eamque in hæreditatem, jure posside æternali. At, ne quid ad solennem diei magnificentiam triumphantis Reginae, desiderari videatur, devicti inferorum principes, jurati humani generis hostes, sæva draconum capita, quæ pridem

heroo Parthenia Mater contrivit calle, debellatæ tenebrarum potestates, captivæ rebellium tyrannorum turmae, perpetuis oneratae compedibus, invictæ Reginali Majestati, ite hodie in triumphum. Pandite jam ostia, festivis coronata lauris, referate triumphales portas Pauliadæ, vigiles Mariani propugnaculi custodes, date agmen, aptate choros Thæbei proceres, ac ordine comproe, exite obviam ascendenti ad thronum Reginae gloriæ. Tercentis jam & amplius annis, in hoc thaumaturgo castro, vigilantius, quam olim aureum in Colchide vellus, pretiosissimum pignus, Regale depositum, Augustissimæ Poloniarum Electæ, obsequiosa colitis fidelitate, hodie Eandem novo coronatam Diademate, adorante procidui, & cum supplici homagio, ferre claves, pro firmiori clientalis officij sponfione. Triarii bellatores, expansa labara, victrices Aquilas, cunctaque Bellonæ insignia, ad Reginalis scabellum Majestatis inclinate, cum auspiciatissima militari tessera : *Regnet MARIA Lechici orbis Domina, triumphet Regnatrix semper Augusta.* Et ut vivaciori animo exultantes, solenne præstemus homagium, amænæ applaudant Camænæ, jucundas dent litui voces, impulsaque tympana palmis, concavaque æra tonent. Vos Auditores spectatissimi, benevolas interim parate aures, mentesque peroranti.

Musica interludit.

REges plerumque natura parturit, & purpuratæ cunæ, primum est Majestatis proscenium; licet non raro, cæco etiam fortunæ suffragio & casu elevatos, orbis adoravit. Haud unus interdum patratæ cædis, & flagitij in præmium Diadema tulit. imo raro purpuræ Regum, absque profuturo alieno sanguine rubuere. O quoties, dum effrenis in scelera tyranni ad thronum aspirant, misera Regna populi que expirant. Ad Imperium quæri, meritum est privilegium; quærere, ambitionis argumentum, & grandis origo mali, ut, dum à corivalibus lenta moderatione obuneri nequit, ad quæque violenta, sæva regnandi impellat cupiditas. At quæsi per nefas Imperij fasces, raro felices ac diuturni, funesti mox, ipsismet authoribus exitij, secum trahunt catastrophe, & vix quandoque diurni. Novit etenim districta Nemesis, coronas dolo aut sanguine partas, in compedes refringere: ut quos arrogans dominandi libido cum oriente sole ad Regale evexit solium, cum occidente, versâ sed adversâ fatorum aleâ, eisdem vitâ & purpurâ exutos, diræ mortis reddat spoli-
lium,

lium, & quod mane gemmea cinxit torques, ferrea captivum tor-
queat vespere collum. Nec eget alio impulsore ad sui interitum,
plus æquo tumens tyrannorum ambitio, ipsa quippe suæ infelici-
tatis, sufficiens est architecta. Aureum Regni pomum, desu-
per quidem venit, sed digniori dandum, indigna apprensum ma-
nu, Gomorrhæi instar mali, in cinerem mox abiturum purpura-
rum mendacium. In ambitiosi namque Principis sinu, calorū
beneficia, in veneficia transeunt, & ut Pandoræ munus redeunt in
conferentem. Delicatum purpuræ ingenium, ingenuum est,
eō gravius erubescit, quō indigniores tegit lacertos, & auro gem-
meum Paludamentum, trunco adaptatum deastro, protinus pal-
lescit, ex pænitudine, nativum sui pretium amisisse. Ipsos eti-
am sorte nascendi Regnantes, postquam à majorum recte factis de-
generassent, superis populisque invisos, sæpius è paterno solo, so-
lioque exclusos, haud dubij memorant fasti. O quot miseri
Principes, qui superba nuper manu, aurea tenuere sceptrā, pau-
lo post tristi metamorphosi, tragicæ ad ludibria fortis, prodiere
spectra. O quoties purpuratus thalamus, tumultum, Regibus
cruenta sublati nece tulit, sexcenti licet fortes ad fores excubas-
sent. Gratis coronata capita ad corporis custodiam, numero-
sos instruitis exercitus, frustra densis armatorum cohortibus latera
stipatis, in propria militare fovetis viscera ferrum, diri manes in-
tro manent, si Divinæ Patriæque minime servantur leges, legio-
nes nihil proderunt, & ornatissima Phalanx, fallax est ad salutem
Principis impij: inter mille hastatorum catervas, tyrannus haud
bene tutus erit. Tutius ullum Majestatis robur & præsidium
est, quam Religio, pietas, æqui & honesti ratio, ac reliquarum
virtutum satellitium; securos ducit inter bellorum fragores & ca-
strorum tentoria somnos, cui præ foribus Regiæ virtutes fidas agunt
excubias. Hinc nemo est, qui vel ipso Radamantho judice ne-
get, longe præstantissimum, virtute nancisci, quam nasci Re-
gem. Nobilior me hercle est, cælis agnata in diademate virtus,
quam claro Regum de sanguine nata, at purpuratis vitijs notata
propago. Prima boni Principis laus est, virtuti omnia, fortu-
næ nihil debuisse. Sola virtus aurea clavis est, quæ ad conclave
Regnorum, ostia novit referare, nec ulla gloriosior, quam virtu-
te & meritis empta potestas. Princeps sceleratus, abortivum na-
turæ monstrum est, fædum vitiorum mancipium coronatum,
quid nisi inane & irmane perversi ordinis portentum. qua namq;
ratione subjectis imperabit Provincijs, si sibi nescit; prima quip-

pe regnandi rudimenta à se ipso sumenda sunt; haud bene majorem reget orbem, qui minorem in fræna cogere non didicit. Vita Principis, idæa est populorum, si difformis, graviter officit, & afficit idæatum. Regnantem solis naturam induere, necessum est, lustrando & illustrando universa; tunc enim verè serenissimus, dum expers maculæ, beneficos lucis radios, oras diffundit in omnes; sin ab opposita nævorum opacitate eclypsim patiatur, triste fiet spectaculum, toti orbi portentosum. At quid de solis naturam, Divinam Princeps assumat oportet, cum etenim vicariam in terris gerat potestatem, Magnique effigies DEI sit in imagine parva, Archetypo conformem in gubernando teneat normam; vitiosum ectypon, dum à primo deficit exemplari. Tunc vere Divinitatis quadam gaudet prærogativa Imperator, dum bonitatis Ejusdem, sedulus est imitator. Iudicium & æquitas, clementia, fortitudo, liberalitas, providentia, civium amor, & cura vigil in omnes, proprium Deorum & Regum negotium est. Videant qui sceptrum tenent, utrum hic scopus & opus in regnando præfigatur.

Pensata tantisper conditione Regum, vertamus jam mentis & oculorum obtutus, in Augustissimam Poloniarum Reginam Dominam meam Clementissimam, verear licet, ne scrutando Majestatem opprimar à gloria, liceat tamen in magnis & impariæ verba conari, cum & hæc magnæ sit portio laudis, nunquam satis digne laudari posse; & vero, si Angelica centum erant forent, nullis encomijs, Reginalem Dignitatem Augustæ Nostræ pro merito adæquarent; sed non idcirco suæ Majestati subtrahendum hodie Laudis homagium. Non officit claritati solis, etsi lippis spectetur palpebris, sic pariter nil obstat magnitudini Reginalis Honoris Sanctissimæ Dominae, trivialis oris professio, si ex penetralibus cordis deprompta suppleat confessio. Aude igitur pusille orator, etiam vili svadâ, Magnæ Imperatriæ Regiæ percurrere dotes, ut pronam adorationem persvadeas universis. Solis naturam Principibus induendam censuisti, en Electa ut sol, Regina Poli, orbisque Poloni, velut diploide ornata, splendidissima luce coruscat, Ipsa milles sole clarior; huic etenim quasdam, tenues licet, optici affingunt maculas, MARIA increatae Lucis, Solis justitiæ, Genitrix immaculata, omnem prorsus, etiam atomo leviolem excludit nævum. Sol non nisi præsens sibi illustrat hæmispherium, at ubi gyrato cursu, ad Antipodas abscesserit, totam secum devehit lucem, remotis tristi relicta umbriâ terris. MARIA, æterni Solis Regia, immensitate luminis abyssos pertingit, opacissima penetrat, nul-

li unquam sua luce deest, non uni tantum orbi, sed innumeris par est illustrandis. Si Divinitatem quandam in Regibus, ipsa portendit & prætendit Majestas, MARIA, Magna Dea, aut certe Idæa Divinitatis est; Africanus Præsul, Præsulum Doctor, augusto protulit ore: (a) *Si formam DEI Te appellem, digna existis.* Ex MARIA ineffabile Numen formam hominis assumpsit, quid mirum, Eidem per reciprocationem, formam DEI communicasse. O felicissimum Numinum Commertium! o mira MARIE Apotheosis! Unio Hypostatica Verbi, sicut Divinitatis in Deipara sufficiens est argumentum, ita & Regiæ Dignitatis amplissimum documentum. Sacro Virginale, MARIE Claustrum, cælum est, sedes Regis Altissimi, hinc & Ipsa Regina cæli Divinissima.

Regna mundi instar hominum, crescunt, & decrescunt, oriuntur & moriuntur, unius strages, alterius incrementum, ipsi que Reges, licet dominantur mortalibus, nihil tamen præter virtutem, habent immortale. Magno olim Macedonum Bellatori sua victrix fortuna, tanto erat stupori, ut dijs immortalibus progenitum se credidisset, & jam cardines orbis, suo subjectos Imperio arbitratus, dictitasset: *Ortus & occasus, Aquilo mihi servit & Auster.* at brevi, communi hominum sorte, morticinum agens, totaque Græcia cum oriente subacta, Regnorum facta cadaver, funesto exitu, mortalitatem didicere. Regnum MARIE, in sanctis firmatum montibus, vere immortale est, casum & occasum non metuit, ab æterno ordinata sæculorum Regnatricis, universum orbem sublunarem, imo lunam ipsam cum reliquis astro- rum sphaeris, calcaneo Majestatis suæ subjectis, perenni gubernat potestate, absque termino; Illum etenim, qui solus terminum & finem non novit, sacratissimo utero suo terminavit. O amplitudo Regni Augustæ Imperatricis nostræ! terræ marisque superans vastitatem, utpote, quæ magnitudine potestatis suæ universum replet, nec imaginarium superest spatium, quo amplius dilataret.

Vidit non pridem Europæus orbis Principes, Filios Regum, eosdemque Genitores Regum, ipsos neutiquam Reges. (b) MARIA Domina, æterni Regis sæculorum unica Filia, Altissimi Regis sola & vera Genitrix, Sanctissimi itidem Regis unica electa Sponsa, hinc & ipsa Regina Adoro supplex, ineffabilem tantæ Majestatis Adoream. Numera jam Munera MARIE, Regiæ Sacratissimæ, quisquis voles, si poteris, ac stellas potius in firmamento

millies

(a) *serm. de Nativitate.*

(b) *Daufinus Gall: Ludov: xiv. filius.*

millies multiplicatas, numerabis. Si Sanctitatem spectes, ve-
reare, ne meridiani solis nimio fulgore, oculorum offendas aciem;
prius sancta, quam concepta, ter sancta in perpetuum, cui san-
ctitas infinita, plene sese infundens, totam donavit sanctitatem.
Univerſi generis humani Maſſa, in Protoplaſtiſ, originali inquinata
labe, communis prævaricationis, & contractæ maledictionis, hæc-
nus ſua damna luget, MARIA ſola ab hac immunis culpa, abſque fo-
mite peccati, Maternitatis exempta privilegio, æterna gaudet
ſanctitate, Angelis purior, innocens, ſegregata à peccatoribus,
cryſtallo clarior nitidiſſimâ, creaturas ſupergreſſa univerſas, abſque
exemplo, infinitæ placuit Majeſtati; quæ ſola, niſi ſancta fuiſ-
ſet, lapſa natura humana, ſanctificationis & gratiæ exordium ne-
quaquam meruiſſet. Date o beata ſupernorum civium agmina
Reginæ veſtræ, Sanctæ Sanctorum, Gloriam & Honorem.

A tam ſublîmi innocentiae ſtatu Dominae noſtræ Sanctiſſimæ,
facilis extat ad gradum & ſtatum gratiæ apodixis. Innocentia ete-
nim, prodroma gratiæ, antefignana, & individua comes ſemper
eſt. Primi Paradîſi incolæ, in ſtatu innocentiae longe præſtancio-
ribus pollebant gratijs, quam fructuoſiſſimis delicijs Paradîſus ipſe,
Sanctiſſima Domina noſtra, facundior longe gratiarum Paradîſus
eſt, cujus pretioſiſſimus Fructus, ſupremum totius Empyreî deli-
cium & cibus vitæ immortalis. In MARIA quo ſublîmior inno-
centia, eo major donorum eminentia. Primogenita Gratiæ, pri-
ma & ſumma omnium Gratiana eſt MARIA, cui par nulla ſe-
cunda. Ad ſtabellum damno ſabellam antiquitatis, Pandoram
quondam omnium deorum, exigua in pixide continuiſſe dona; at
fidei Sacramento certum, cæleſtis Paranympſi probatum oracu-
lo, Sacraſſimam Reginam noſtram, adeo omni repletam gratiâ,
ut in collatis ſibi donis, Omnipotentia exviſcerari, infinita Sapi-
entia exhauriri, liberalitas & immenſi Divinarum theſauri divitia-
rum, erogari videantur. Metire minores lympharum lacus,
ſcaturigines, & quâ datâ lance flumina libra, in unum colligas
licet, tuam non adæquabunt Amphitriten; longe magis Electo-
rum Charîmata diſtributa per omnes (parcite quæſo Eliſij manes,
veniâ veſtrâ dicam) & ſi in unum colligas magnum mare, Ma-
rianus vaſtior Oceanus, majori gratiarum ſuperat abundantia.
Venite aſcendentes præſiti, ad hanc Maris immenſitatem, pro men-
ſura dilectionis, copioſam accepturi gratiam; enim vero

Plurima quantumvis profundat munera Virgo

Plura tenet, vaſtum eſt, ſola MARIA mare.

Inter

Inter præstantissima Regum attributa, tanquam firmissimæ
stabiliendi Imperij bases, velut binæ axes polares, aut geminæ
gemmae, Sapientia & Fortitudo; hæc ad devincendos Patriæ ho-
stes, scutum & murus aeneus est, illa arcanorum status & regen-
dæ Reipublicæ clavim clavumque tenet. Sapientiâ & fortitudi-
ne, magni Principes, quotquot sunt, Regnorum cardines, suam-
que gloriam & potentiam, firmarunt, auxerunt, dilatarunt. Ille
coronæ amantur, & galeæ formidantur, quæ in capite sapientiâ gra-
vido fundantur. Grande in folio idolum est, magna potentia, sine
magna sapientia. Ignorantia Regum, perditio est populorum. Pre-
tiosum, paucisq; datum munus est sapientia. Hinc ille sapientissimus
Regum, sapientum Rex, ad judicandam & gubernandam electi po-
puli multitudinem, velut inæstimabilem, ipsoque majorem Regno,
dotem, cor docile exoravit. Dum ad Divinissimæ Reginae nostræ sa-
pientiam, facienda est apostrophe, mens fugit extorris, & stupor ora
ligat. Magnam enim abyssum mirari, non scrutari, magis libet. Eu-
ripum, miratus Stagyrita, flexuosos ac in se retortos non capiens un-
darum vortices; & qua ratione, Increatae, Matris, Sapientiae, inscu-
tabilem pertingam abyssum! somniet fabulosa vetustas, literariam
Palladem è Iovis cerebro natam prodijisse; verius nuncupandum,
Augustissimam Palladem, Reginam nostram, ex ore Altissimi, sapien-
tiae sumpsisse exordia; Altissimum enim Magistrum infinitæ Sapien-
tiae & inscrutabilis cognoscivitatis, Verbum Patris æternum, ab e-
levatis per lumen gloriæ mentibus, incomprehensibile, MARIA Di-
vo Parthenij uteri cancellis sola comprehendit. Grandem certe
Iliadem exigua clausit nuce, magni Magistri Discipula, dixissem su-
pra Magistrum, verum audacioris hyperpoles Vaticanam vereor
censuram. O mira sapientiae & scientiae DEI Epitome MARIA.
Dum architecta universi Omnipotentia, cælorum cardines & fun-
damenta, velut circino dimensionis præpararet, dum majora appen-
disset luminaria, matutina astra, Phosporum Hesperumque forma-
ret, dum certa lege & gyro vallaret abyssos, terminos & repagula
ponens æquoribus, dum æthera, terræque molem, velut grandi qua-
dam statera, pugillo libraret, verbo, dum mundus, informis embrio
totus erat, cum Formatrice universi Sapientia, in omnipotenti Pa-
tris Idæa, prævisa, & ante sæcula ordinata, aderat jam æterni Ver-
bi Mater, Primogenita creaturarum, nascituro infanti mundo, dis-
ponens incunabula. Theosophorum dogma est, ignorantiam, in pœ-
nam transgressæ innocentiae primorum Parentum, humano super-
venisse generi; fructus ille vetitus de ligno scientiae boni & mali,
curiose prægustatus, amplissimum supernaturalis scientiae in Pro-

to Parente extinxit lumen, & cæcam in successores mentis induxit caliginem, ut desipientes, velut damnatæ ad tenebras nocturæ, ignota palpemus, & cum terræfodis talpis, ea solum, quæ cum humo viuere, rimemur & miremur. Innocentissima Sapientiæ Mater & Regina, sicut Adamitiæ culpæ & pænæ minime complex, ita nullius ignorantia subdita legibus, excellentius supra universas intelligentias, omnis scientiæ Sanctorum gaudet privilegio. Ter felicissima Regna, quibus tam eminentis sapientiæ dominatur Imperatrix. At videamus jam invictam Augustæ nostræ fortitudinem.

Prisca gentilitas fortes virtute Heroes, pro Dijs quandoq; venerata; hinc infantem Herculem, dum Iunonios angves, tenellâ compressos suffocasset manu, ex tunc pusillum in fascijs nuncupavit Deastrum, quantò magis, dum Lernæa monstra, tyrannos, Centauros, Gigantesque domuisset. Invictissima Virago, Regina nostra clementissima, primo, felicissimæ sine originali nævo, Conceptionis suæ diluculo, veteris colubri, calcaneo suo insidiantis, dirum attrivit caput, virulentissima septicipitis draconis, sacratum masculipartum (ut devorasset) expectantis, colla prostravit, stygiumque monstrum, Victrix gloriosa conculcavit. Tota mortalium natura, æternam sub inmanissimo Orci tyranno captivitatem luxisset, nisi hæc Bellatrix fortissima, immaculato ortu suo, ad orbis salutem illuxisset: nunc beatiori sorte, ipsimet tenebrarum Principes, perpetuis vineti compedibus, sua damna gemunt, Virgineis se prostratos armis corruisse. Triumphet per sæcula, sacratior Amazon bellicosissima, arcus fortium confregit, vicit Holophernem Divinior Iudith, Sisaram & castra hostium superavit, verior Debbora. Exulta novis Lechia gaudijs, invictæ fortitudinis Heroam, ad Thronum Regni tibi adscivisse. Confitere dulcis Patria, Christianitatis antemurale, Regnorum pupilla, quam persæpe optata furentum præda, invidæ vicinorum Principū ambitionis meta, & cruentorum amphitheatrum prætorum extitisti, ut tota, velut ruentis à culmine Trojæ, Europa, tua spectasset facta; at MARIANÆ fortitudinis semper adjuta suppetijs, rabidam hostium orexim, victoriosiis armis domuisti. Recense funestas interregnorum vices, & tot corrivales in electorali campo, ad Diadema Regni stadiodromos, hinc scissa Electoris populi partiumque studia, bellorum fomenta & extrema salutis publicæ discrimina, ut planè constaret: *quoties Reges moriuntur, toties Regna lethaliter decumbunt.* Nihilominus tot tantosq; turbinum motus intus & ad extra, Invictissimæ Reginæ nostræ sedavit dextra, & dicatæ sibi Gentis, hætenus illaeram servavit libertatem. Extat etiamnum in Claro-Montano Cimiarcho, aureum pij Lechiadæ anathema: Gentilitia Regni Aquila,

la, cum Sanctissima DEI Parente, adjectâ Epigraphæ: *Libera sum pre-
tibus Virgo Beata tuis.* Gratis hæcenus dilecta Patria, tristi eventu,
ab externis subsidia quæsiisti Potentijs, Gloriosissimam Superum Im-
peratricem, Reginam tuam invictissimam, in auxilium voca, & ho-
stium catervas superasti. Cum hac Electa hodie jam coronata, lege
perenni, offensivum & defensivum pone fædus, feliciori & faciliori
successu, tua Sceptra reges, nec minaces inferorum metues potesta-
tes. Lætos age triumphos, Claro-Montana Domus, tantæ Bellatri-
cis munita Præsidio, truces ne formides Enceladorum facies, dum
Acies castrorum ordinatissima, stat adversus inferi portas, & tua mæ-
nia complet. Probasti invictam Gloriosissimæ Propugnatrix tuæ
virtutem, contra mille olim Miliari assultus, & palmam valido ex
hoste victoriam reportasti. (a) Sæviebat hic sacrilegus Mulciber, e-
lapso sæculo, in Augustum Partheniæ Matris Castrum, diras armavit
Erebi furias, universam inferorum instruxit Cyclopædiam, infestis
acatholicorum agminibus, validisque in coronam cinxerat aggeri-
bus, MARIANVM hortum conclusum, mox diram succendit Vul-
caniam, flammivomas tormentorum admovit machinas, totamque
Eumenidum vim impendit; (b) hinc densis pyrobolorum, more nu-
bifragij pluens imbribus, illinc candente, innoxia proscindens mæ-
nia, glande, noctuque diuque, præconceptos seram protrahens in-
brum furoris ignes, impius Theomachus, sudavit & alsit, quibus
technis ac robore Virgineum expugnasset cælum; at stetit immobi-
lis, laureati Montis Clari, Marpesia cautes; vidit impavido vultu, &
bruta Steropis Brontisque fulmina risit. Chalybem allisit filici A-
quilonaris prædo, ignem excitavit, sibimet nociturum; pyram in-
cendit, fumum non famam ipsis pyrotechnis parituram, Claro-Mon-
tano Gynæceo tædas triumphales, quibus orbi reddatur illustrius.
Novus Herosstratus, fore voluisset Borealis incendiarius, ni Perilli vi-
ces subiisset. Sacratior enim Bellona, ex Clato Montano Capitolio,
dum in capita hostium, telorum retorfit ictus, & pila minantia pilis,
illico Mars Gothicus, exiguus Achilles, graviter sua vulnera sensit,
& pro opima (cui inhiabat) præda, nil nisi stragem suorum & fu-
nera, non ad gustum Gustavo reportavit. Boanerges pro Matre Par-
thenia, ex Claro-Montana intonuit nube, & protinus millenæ hosti-
um nebulae dissipatae, sub gelidos rediére Triones. (c) Sic damno
suo, cum Phrygibus, didicere in posterum, fugientes Arctici rugi-
entes, fortiores Thæbeo in deserto habitare leones. experti, sero li-
cet, credidére, fortissimi de Tribu Iuda Leonis, invictam Matrem,
Montis-Clari Præsidariam, inexpugnabilem esse Turrim, à qua mil-
le pendent clypei, & omnis fortium armatura.

(a) *Miller Generalis Reg Svec: Gustavi obsedit Cl. Mont.* (b) *Oppugnatis multoties*
& diu. (c) *In Festo S. Ioannis Evân. Sveci abiere.* Anno 16.—55 Post

Post Heroam Divinioris, fortitudinem Martis, Clementiam Matris, in Sacratissima Regina nostra pauxillum attingamus. Boni etenim Principis officium, officina est clementiæ; male imperat, & odiorum amplissima meta est, qui metu solo Regna gubernat. Ad perditos Neronæ damnatum illud: *oderint licet, metuant tamen*; qui timeatur ab omnibus, ipse quoque timeat, necesse est. Moribus & amoribus Regnantium efficacius in venerationem Majestatis trahuntur populi. Solida stat civium in amore Majestas, plusque valet Regum in subditos clementia, quam magna quævis potentia. Clementia Regum, mamilla est Regnorum, quæ in adultam stabilis fortunæ ætatem prosperè nutriuntur. Hinc fortunatissimi Romanorum Augusti, summum honoris censum, majusque supra Diademata Nomen censuere, Patres Patriæ, quam Imperatores appellari. Augustissima Regina nostra, verè Mater Clementiæ est, hoc elogium MARIÆ cæteras vel includit vel excellit Prærogativas; in DEO T. O. M: quidquid concipias vel mente præseindas, summum Bonum est; in MARIA itidem, quidquid pio & sagaci intellectu meditari velis, eminentius supra creaturas Bonum est; post infinitam namque Divinorum attributorum ad intra communicabilitatem, ad extra prima & unica est MARIA, cui Bonitas æterna, summam largita est Clementiam; quapropter hæc sola Domina, immensæ pietatis officina est, latitudine & altitudine, universas, etiam collective sumptas longe excedens bonitates, solam nisi excipias Infinitam: verum, & hanc dum orbi portare meruit, Infinitæ Misericordiæ initium dedit.

Faceisse infrunita Heterodoxorum impietas, obstinata infidelium protervia, mala viperarum soboles, quæ Matris Sacratissimæ reijcis pietatem, & quam fors ignoras, blasphemare audes Majestatem. Beatorum exquire cæcus, & quotquot sunt, conformi voce reponent: MARIANÆ Clementiæ sese adjutos ope, Elisa Regna possedisse. Apostatas inferorum spiritus, primos damnatæ falsitatis Coryphaeos, sciscitare si audes, ad Sacratissimum Nomen MARIÆ contremiscent, & licet inviti, cogentur vera fateri, Ejus potentissima Bonitate & Clementiâ, innumeram sibi de manibus ereptam animarum prædam. Perlustra toto orthodoxo orbe, ad Thaumaturgas Deiparæ Aras, fidelium aras, intueri, aut si malueris Lemmata sola legas, imo si tenebrosa fors cæcutit pupilla livore, manu palpa (cave tamen sacrilega) in hoc saltem Augustissimæ Poloniarum Regiæ sacratio, Romanorum Imperatorum, Regum & Principum Europæ, honorarias gemmas, pretiosa donaria, magnorum Exercitus Regni Ducum, tot domitrices hostium, clavas, victores enses, & triumphantis signa Gradui, tot splendida sacre ornamenta Domus, pia Illustrissimarum in

Regno

Regno Familiarum anathemata, & à remotissimis Provincijs grata
votorum & tabellarum pignora ; percontare si lubet, cuncta hæc
quid spirent? quid talia munera dicant? pandent oracula, & vocali
testimonio, mutæ licet tabulæ, mira Gratiarum Matris Pientissimæ
loquentur magnalia; ausculta voces, & disce, universa hæc, ob re-
portatas de hostibus Patriæ victorias, ob restitutam à mortuis vi-
tam, redintegratam incolumitatem, evitatas pestilentias, redditum
oculorum lumen, recuperata gressus officia, superatas infernalium
potestatum machinas, ob sævientium flammarum sopita incendia,
ob accepta in adversis solatia, & ob innumera Beneficentiæ thau-
mata, Divæ Claro-Montanæ Virgini Matri, oblata ex voto pe-
rennis gratitudinis esse monumenta.

Et licet nostrorum non indiga bonorum, Præpotentissima Orbis Domina, Gangeticas ab Indis nequaquam exposcit arenas, nec feraces è terræ visceribus auri venas, nobilioribus abunde divitijs contenta suis, cui amplissimum rotius Empjrei Gazophilatium exuberantes æternùm ministrat proventus, fas tamen est, Authorem fortis, donis honorare suis, & quem hausisti fontem coronare. De plenitudine Gratiarum Clementissimæ Reginæ Nostræ, quotquot dantur, promanant beneficia, nil justius, quàm ut digna, grati animi reddantur officia: ingratitude enim fontem gratiarum obstruit. A naturæ legibus ingritudinem abhorrentis, exemplum esto. Æther, quoties è terra viles mutuatur vapores, toties gratas eidem rependit cum fœnore vices, dum languentem præ æstu gemmeo reficit rore, largoq; refrigerat imbre. Tellus fœcūda parens, ut Cereris germinet fructus, illi prius solliciti dant sua dona coloni. Neptunus, dum per subterraneos meatus, fontibus suppeditat undas, ab iisdem, tributū instar fluminum exigit illapsus. Altissimo Conditori rerum, de Ipsiusmet donis orbi datis, supremi in recognitionem Domini, statutæ victimæ, primitiæ nascentium, & numerosa litabatur hecatombe. Obruncati Holophernis spolia & Conopæum, non alteri, quam Domino Exercituum, in Ierusalem, grata dicavit Iudith; Prostrati Philistæorum Gigantis arma, Hectore maior, Iessæus victor, Divinis intulit Aris. Ipsa Gentilitas, veri ignara DEI, Iovi Feretrio, manubias ex hoste detractas, litare solita. Veterana Venetiarum Respublica subditum sibi Adriaticum concilians Mare, mittit munus in altum, rituq; solenni beneficas subarrat undas. Quid mirum, Mariæ propitio Gratiarum mari, si grati tribuant arrhas & dona clientes. Beatius ullum fœnus est, quàm fœnerari Reginæ Clementiæ, quæ & exilia, in hoc exilio, appreti-

ans munera, mansuros in sæcula thesauros abunde elargitur. Triumphet æternum Imperatrix Clementissima, Remuneratrix ter Optima, nunquam satis digne recolenda. Cynocephalis exangve sit sua offa cadaver, operiat Letheo nox atra sopore Momos, quibus obrectare mos est, magnorum facta Deorum. Gloriosissimæ Dei Parentis Sacrosanctum à Sæculis Nomen, per quadripartiti orbis clymata, intaminatis fulget honoribus; imo dum sublunaris machinæ angusti sint ambitus, supernorum Regnacivium, Augustam eius adorant Majestatem. Hæres per Filium est, & Domina universi, quis nisi beatæ exors hæreditatis, contra audentior ibit.

De tanto Pientissimæ Matris honore, electi & dilecti congau-
dete Sodales Mariani Regni Proceres, Filij adoptionis, Gratiæ &
Gloriæ Candidati. Triumphalis hodie Reginæ Clementissimæ, in
hac Claro Montana Aula Inauguratio, vestri capitis Corona, ve-
ster triumphus est, & fortunatum optatæ sortis augurium. Sortile-
gijs egeant dubij semperq; futuris casibus ancipites, incredulos lu-
dat Delphicus suo ex Tripode vates; Sarmatico Regno Divinissi-
mum MARIÆ Nomen, omnigenæ prosperitatis ter faustum omen
est; Nazaræa hac Sacratissima in Mensa, immētia lubet tuto, veri-
us quam ex horoscopo, divinare Gratiarum auspicia. Umbrā olim
Cephæ, plurimorum sanati langvores, en saluiteram, quam specta-
tis Effigiem, Medicus Divo Lucanæ manus, adumbravit pencil-
lus, credite Evangelitæ, felicius, quā Hypocratis antidotū, quævis
malorum pellet toxica; Spiritualium deliciarum Sanctior Abacus
est, Empyrea proponens bellaria, quibus dum convivere & convi-
vari, grati satagunt alumni, beatæ nutriuntur æternitati, cælitum
futuri commensales. Haud unus fortasse lacerā conscientiæ rate,
aut minus æqua forte, æqvoreis veluti jactatur naufragus undis;
en Diva Claro Montana tutissima salutis Tabula est, hanc piā cor-
dis apprendat dextrā, & illico decumani, tumultuantis Oceani,
mitescant fluctus, medioq; Portus extrahit Cataclysmo. Tot subli-
mibus Clara muneribus, vere ArchiThaumaturga Divinissimæ Ma-
tris Icon tibi, o Cara Patria, in æviternam dilectionis arram, con-
signata, servata, & collata. Non illam Vespasiani, cum devastata &
succenta Ierusalyma, sæva attigit flamma; non Bizantina in Vrbe,
vesanus Iconoclastarum furor, non barbara Getharum Beizenli in
Castro rabies, non Sacrilega Demum in hoc Sacrario patrata Hus-
sitarum crudelitas, non vehementior Gothico ab Aquilone toties
insurgens, abstulit tempestas. Nefas quippe & Centomanis con-
tra Tonantem Briaræis niti, neq; dira pessundedit unquam Erynnis
Divo-

Divorum oracula: sic & prævifæ Poloniarum forti, ac deftinatæ ad diadema Regni, nulla fatorum vis, obfuit Majestati. Adora Gubernatricem Regnorum, Providentiam, Inclyta Lechia, & de tanti dignitate pignoris, fupra reliquas Coronati Orbis Provincias, tuam metire fortunam. Numanum olim Ancile, fat vile Deorum munus, è nube delapfum, adolescens tunc Roma, futuræ potentie fuæ credidit aufpicium; Majores tibi Cælorum fponde favores Polonia, dum Potentiſſimæ Univerſi Imperatricis MARIE Dei paræ, munus & manus tecum eſt; Hanc Reginam Proteſtricem tuam Clementiſſimam, ubi perenni homagio, illibata fide & indefeſſa colueris pietate, proſperiori rerum eventu, & hoſtibus fræna dabis, & ſub tranquilla pacis olea, gloriâ potentie tuæ, aſtris terminabis,

Quod dum in concinna licet, jamq; ad terminum feſtinans, exoptat dictio, Tua Pater Beatiffime, votis exoratoris Apoſtolica attipuletur Benedictio. Auguſtam Poloniarum Dominam Sacrâ Coronâ donavi, hoc pacto Orthodoxam Regionem & Religionem, firmam hætenus in obſequio fidei, amplius ſolidavi. Coronariæ Inclytæ Sfortianæ Domus ac Reverendiſſimi Capituli Vaticanæ Arrhæ, ne ſolis Alpium terminis arctarentur, Beatorem Pæno olim, providiſti Annibalem, Eminentiffimum Principem, Digniſſimum Nepotem Tuum Pater Beatiffime, Strenuum militantis Eccleſiæ Heroem, Purpurati Senatus Columnen, inſignem Regni Poloniarum Proteſtorem; per quem, non impervia Pettarum iuga cavando, at ſupremâ Petrinarum virtute clavium, iter planum ad Sarmaticum Olympum referando, Sanctiſſimæ Cælorum Imperatricis Honores Sacroſq; favores longe lateq; ampliavi. Quapropter tota Lechia, Mariano hodie in Monte triumphans, ad Sanctitatis Veſtræ Scabellum, ſupplices reponit pro tanto munere grates, Clementiam in Patre, Patrem in Clemente, filiali pronosq; cultu venerando. Beneficum ſidus Tuum Stellam Polarem, verius dixerim, innubem Chriſtiani Orbis Solem, irretortâ ſuſpicit palpebrâ, Candida Regni Noſtri volucris, volucrum Princeps, Fidei hoſtium ſtrenua Fulminatrix, Sanctitatis Veſtræ Magni Iovis fui, fidelis armigera & miniſtra. utq; ad meridianæ lucis Tuæ fulgorem, quo Nobilis paſci amat pupilla, de proximo evolare queat, in Cavernis Sanctiſſimorum Albanorum Montium, Gratijs & pietate plenis, æternum nidificans, perennem figit incolatum. Vive Pater Beatiffime annos ſæculo Coronatos, & qui Cælitibus Coronas diſtribuis, terrena Regum Sceptra, Vicariâ Numinis poteſtate, tene ſuppedanea. Vive, quoad victorioſis armis Othomanicam, diſſipes, evellas

evellas & destruas Portam, & tunc explicato, Bizantinis in Mœnibus, Crucis Trophæo, alteram in Vaticano, in Monte-Claro alteram, ad posthumam Nominis Tui gloriam, portas eriges triumpiales.

Patere Serenissime Auguste, Rex Poloniarum invictissime, Te feliciter Regnante, Augustissimam Deiparam Claro Montanam, in Lechiæ Reginam hodie Coronari. inter paradoxa desit esse, Reges eodem in folio, duosq; soles in Cælo morari posse, dum combinatæ sibi subordinantur Majestates, dumq; Tua sponte nuper, Thaumaturgæ Nostræ, Honorariam Coronam dono obtulisti, & hoc ipso, ut Supremam Reginam recognoscens, Tibi & subditis populis regnare fecisti, gnarus optime: Reges imperare Orbi, at ipsos quoq; superum altiori subesse Imperio. Augustissimus olim Ottho III. ex Serenissima Saxoniarum Prosapia Romanorum Imperator, Boleslao Chrobri Regium conferens diadema, sibi Gloriam, Gentiq; Polonæ eminentiorem auxit splendorem; Pietatis Tuæ Regum Augustissime Gloria, supra Majores Major est, quam succedentia per sæcula loquetur fama superites, Sacratissimam Cælorum Dominam, Tuis Imperantibus Sceptris, in Orbe Lechico Regio inauguratam honore, Tuâq; prodroma paulo ante Coronâ ornatam extitisse. Dignum plane stabilitæ in Regno pacis, Regiæq; Munificentia Tuæ mnemosynon, ex Majestate dantis ac dati, supra Ariadnæ Coronam astris importandum. Impera Regum Clementissime sorte prosperrima, de hostibus Regni armis, de Civibus amore triumphâ; sic gloriose & Delphica Laurus, & Civica Corona Augusta tempora cingent, æternum in Serenissima Domo Tua permansuræ.

Excellentiæ Tuæ Antistes Illustrissime Coronator Dignissime, impensam hodie opem & operam Sacra Reginalis Maiestas Domina Nostra Clementissima, pleno favoris comitatur animo: posce quæ lubent; plurima vacantium Beneficiorum ad distributivam Iustitiam Reginæ Sacratissimæ devolutorum adest copia; in eligendis, optionis offert libertatem, in conferendis, promptam spondet liberalitatem. Cor Reginale, præclarissimarum virtutum Tuarum manu, Præsul Reverendissime totum apprehendisti, dum Augustissimum verticem Sacrâ Coronâ cinxisti. primos ad conclave amoris, jam tene accessus, vota q; cordis expone tui, à Sanctissima Domina vicissim coronanda. Plura Magno Honori, & Purpurato Nomini Tuo Antistes Illustrissime, supplex dedicatoria exprimit pagella:

Celsissimis, Excellentissimis, Illustrissimis, suisq; titulis dignissimis

simis Auditoribus, & ne absentes quidem careant, universis Regni Ordinibus, fidele Homagium Majestati Tux hodie præstantibus, jube Sacratissima Regina Domina mea Clementissima, immensa referare Divitiarum æraria, ex opulentissima Regali Gaza, munifica in omnes disperse dona, ut Triumphalem Gloriosissimæ Inaugurationis Tux Solennitatem, Regiæq; Beneficentiæ largitatem, Imperatrix Augustissima, jugi in posthumas ætates memoria, subditi recolant Clientes. Regio Fisco Tuo Potentissima Domina, nequidquam derogatur, dum in egenos populos erogatur; quantumcunq; effusi, integri Gratiarum Tuarum manent thesauri, cum Maiestatici Iuris tui sint, Cæli terræq; ambitu contentæ opes, per sæcula minime defuturæ. Inter opima bonorum munera, stabilem dona pacem, Regina pacis; dira bel-
lorum classica, ad Thracicos fines, ultra Hellesponti pelle oras; insidiantes Nomini & Regno Tuo, Domina invictissima compe-
sce hostes; fideles Maiestati Tux subditos, ad osculum Sanctis-
simarum plantarum admitte, universorum animos æternum
Tibi vectigales, fove & gubernare, quos in Homagium
Reginali Maiestati Tux adduxi, & D I X I.

Ad M. D. G. B. V. MARIÆ Reginæ Po-
loniarum Honorem.





30.11.16

Biblioteka Jagiellońska



stdr0021711

